



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1648

§. 5. Merces Galliae.

urn:nbn:de:hbz:466:1-13147

N V M. 6. Viētus.

1. Sedendo cœnānt in solo super pellibus luporum & canum in medio præstantissima sedes, *Strabo, Diodorus*. At eis thoros etiam assignat *Diodorus*.

2. Ministrant eis iuniores in ætate tenerâ, & hi vasa bibentibus circumferunt, *Strabo*.

3. Multis patinarum loco sunt canistra lignea, vitilibus contex-ta. Bibunt autem in vasib⁹ fictilib⁹, aut argenteis instar ollæ.

4. Panem fermento leuorem faciunt, *Plinius*.

5. Delectantur suillis carnibus tum recentibus, tum salitis. Item & feris quas sagittis interficiunt illitis veneno, sic enim earum carnes fieri teneriores arbitrantur, sed illicò vulnus circumcidunt, ne caro putrefaciat. Carnem autem hanc aut elixam, aut prunis assam, vel veru circumactam comedunt; artus integros ambabus manibus tenentes more leonum dilaniant, si quid ægriùs reuellatur, culcro præcidunt. *Athenaeus*.

6. Potus ditioribus vinum Italicum, ei paululum aquæ infundunt, idque *Dercoma* nominant. Item ex hordeo zythum conficiunt: Itemque multiplices potus effinxerunt ad vini formam, *Ammianus*. Sorbillant autem paulatim pitissantes.

N V M. 7. Funera.

1. Magnifica sunt; omnia quæ grata fuerunt demortuo cum eo comburuntur, imò & animalia, serui, clientes; *Cesar*.

2. Defodiunt & cum ipsis apta viuentibus; *Mela*.

3. Immittunt epistolas in amicorum pyram, & aliquando se in eam præcipitant; *Diodorus*.

4. Reseruabant exactiōnē crediti, & mutui ad inferos; *Vale-rius Max*.

5. In Busto virorum fortium pernoctabant, & inde oracula capiebant, *Tertullianus*.

§. 5. Merces Galliæ.

1. LINVM ad vela conferenda, *Strabo & Plinius*.

2. Pernæ exquisitissimæ *Athenaeo & Varroni*; hīc enim altitudine sues præcellunt. Item afferebantur Romam, *Varrone teste*, cum

pernis petafones des Eschinées, & Tomacinæ, seu Tomacla, des
saulifères.

3. Multum æris ex variis fodinis. *Cæsar.*
4. Canes optimi, *Ouidius, Oppianus, Gratius.*
5. Equæ famâ celebratæ; *Trebellius in Claudio.*
6. Lana *Varroni*, licet eam paulo asperiorem dicat *Strabo.*
7. Nardus ad conficiendam theriacam, *Galenus.*
8. Vaccinia purpura ad tingendas seruorum vestes; *Plinius.*

§. 6. Lingua Gallorum.

DE cā quadruplex opinio. *Prima*, fuisse Celtis, Belgis & Aquitanis proprias, quia moribus & lingua dissidere dicuntur à Cæfare, has ergo putant aliqui euauiste. Sed dicta Cæsaris explicanda de variis dialectis indicat Sidonius, qui vnius linguae Gallorum meminit quam Celticam vocat: itemque Strabo sub initium 4. qui præter Aquitanos οὐ ὁμογλωτοὺς ἀλλὰ μηκὸν παρελθόντας τῷς γλώτταις. Sed quænam illa?

Secunda, est Glareani qui Germanicam Cisrhenanam putat, ut Helueticam, aut Treuirensim, quia S. Hieronymus ait linguam Galatarum Asiaticorum esse similem ei quæ loquebantur Treuii suo tempore. Falsum planè, quia Tacitus de moribus Germanorum colligit Gothinos in Germania non fuisse origine Germanos, quia Gallicâ lingua vtebantur.

Tertia, Græcè locutos esse putat, quia in Héluetiorum castris libros reperit Cæsar, in quibus nomina militum continebantur scripta Græcè: confirmatur, quia tempore Strabonis instrumenta publica Græcè scribebantur. Falsum item: cur enim ad Cæsarem Q. Cicero obfessus Græcè rescripsisset ne litteræ interciperentur?

Quarta denique ait eandem fuisse cum Britannicâ, ut libro tertio manifestè probauimus.

§. 7. Religio Gallorum.

IMPERITE, aut malitiosè Tullius omnem Gallis religionem ademit, si quidem Liuius eis perinfensus non negligenter Religio- nis dixit. De illâ tria considerabimus, Deos, sacerdotes, sacra.